

Buletin

POLITEKNIK MELAKA

PMK Lancar
Laman Portal
Rasmi Baharu
& Aplikasi
e-Clock

MAJLIS
MENANDATANGANI
KOLABERASI
STRATEGIK
Antara PMK
& Pihak Industri

PROGRAM
SENTUHAN
MAHASISWA
SANTUNI ALAM



Perutusan **Pengarah**



Assalamualaikum Warahmatullahi
Wabarakatuh.

Syukur, Alhamdulillah kerana buat julung kalinya saya diberi peluang untuk menyampaikan kata-kata aluan dalam Buletin PMK edisi Julai-Disember 2020. Terlebih dahulu, saya ingin merakamkan setinggi tahniah dan syabas kepada Sidang Redaksi Politeknik Melaka atas kejayaan menerbitkan Buletin Politeknik Melaka edisi Julai-Dis 2020 yang penuh bermakna ini. Buletin Politeknik Melaka merupakan wadah ilmu yang merakamkan detik kejayaan PMK dimana hasil usaha setiap jabatan dan unit di abdiakan di dalam buletin ini sebagai pemangkin semangat untuk seluruh warga PMK untuk terus cemerlang pada masa akan datang. Sebagai peneraju di PMK, saya melihat PMK mempunyai aset yang berbakat dalam pelbagai bidang. Ini telah dibuktikan sepanjang tahun 2020 dimana pelbagai kejayaan telah berjaya kita capai walau negara kita sedang mendepani cabaran pandemik Covid-19. Ini jelas menunjukkan komitmen seluruh kakitangan serta para pelajar PMK yang tidak pernah jemu dalam melaksanakan setiap program serta sentiasa berusaha mengembangkan bakat bagi mencapai matlamat visi dan misi PMK. Sekali lagi saya mengucapkan tahniah kepada jawatankuasa sidang redaksi buletin Politeknik Melaka. Saya mengharapkan segala pengalaman, kesungguhan dan semangat kerjasama yang telah lama terbina di PMK ini bukan sahaja terpahat di dalam buletin ini malah ianya akan terus subur dan menjadi pemangkin kepada kejayaan PMK yang lebih cemerlang pada masa akan datang. Diharapkan juga agar seluruh warga PMK akan terus berusaha dan lebih cemerlang serta sentiasa bermotivasi tinggi untuk menghasilkan para graduan yang berpengetahuan, berkemahiran tinggi, berinovasi, dan mampu menghadapi saingan pada peringkat serantau maupun global.

SR. HJ. RAZALI BIN JOHARI
Pengarah
Politeknik Melaka

Ketua Editor

Assalamualaikum W.B.T dan Salam Sejahtera.

Alhamdulillah, bertemu kembali dalam penerbitan Buletin PMK edisi Julai - Disember 2020. Setinggi-tinggi tahniah dan penghargaan yang tidak terhingga diucapkan kepada semua ahli sidang redaksi yang bertungkus lumus menyumbang idea, masa dan tenaga bagi memastikan buletin ini berjaya diterbitkan walau kita sedang menjalani Perintah Kawalan Pergerakan (PKP) yang mana perbincangan bersemuka tidak dapat dilaksanakan secara fizikal. Namun dengan adanya teknologi terkini serta semangat dan komitmen tinggi yang diberikan oleh semua sidang redaksi, akhirnya Buletin edisi Julai - Disember berjaya diterbitkan juga.

Buletin kali ini memuatkan penceritaan akan aktiviti dan program yang telah dilaksanakan oleh para pensyarah, kakitangan serta pelajar PMK bagi tempoh Julai hingga Disember 2020. Penerbitan buletin ini sedikit sebanyak dapat memberikan kenangan serta dijadikan inspirasi kepada warga PMK untuk sentiasa kekal aktif dalam melaksanakan segala program serta aktiviti pada masa akan datang.

Akhir kata, diucapkan ribuan terima kasih kepada semua pihak yang memberikan kerjasama dalam menyalurkan bahan dan maklumat bagi penerbitan buletin pada kali ini ini. Semua teguran dan cadangan daripada semua pihak akan menjadi sebagai panduan di masa hadapan. Sekian, terima kasih.

Zawati binti Zakaria
Pengerusi
Buletin Politeknik Melaka



Jawatankuasa

Media & Penerbitan

Penasihat : *Sr. Hj. Razali bin Johari*

Pengerusi : *Zawati binti Zakaria*

Timbalan Pengerusi : *Maheran binti Mohamed Ayub*

Setiausaha : *Norrushidi bin Karim*

Penolong Setiausaha : *Noraimah @ Dayang binti Nurdin*

Sidang Editor : *Hazira binti Saleh
Nurul-Fateha binti Md Sandollah
Muhammad Subhi bin Ismail
Abd Halim bin Mahat*

Multimedia & Sumber : *Mohamed Jayha bin Mohamed Nor*

Pereka : *Nurhasyimah binti Abdullah*

Jurufoto : *Mohd Rimee bin Ismail*

Penyelaras Teknikal : *Haidar Nur Rifhan binti Basir
Maszlinna binti Samsudin
Mohd Yusrin bin Sarip*


Diterbitkan Oleh : *JK Media & Penerbitan
Politeknik Melaka
No 2, Jalan PPM 10, Plaza Pandan Malim,
75250 Melaka.*

Talian Am : *06.337 6000*
Faksimili : *06.337 6007*
Web : <https://polimelaka.mypolycc.edu.my/>



Kementerian Pengajian Tinggi

CARTA ORGANISASI POLITEKNIK MELAKA



Imbas disini



KUNJUNGAN HORMAT POLITEKNIK MELAKA KE PEJABAT KETUA MENTERI MELAKA

10 JULAI 2020 - Kunjungan hormat oleh Pengarah Politeknik Melaka, Encik Charim bin Ibrahim @ Berahim, Timbalan Pengarah, Encik Mohd Azamri Bin Kandari serta jawatankuasa kampus PMK ke Pejabat Ketua Menteri Melaka di Seri Negeri bagi membincangkan teknikal dan vokasional di Negeri Melaka.

YAB Datuk Haji Sulaiman Bin Md Ali telah menerima baik cadangan pembangunan kampus baharu Politeknik Melaka dan seterusnya menyokong penuh usaha mempertingkatkan bidang pendidikan khususnya kemahiran teknikal dan vokasional di Negeri Melaka.



TERIMA KASIH SEMUA...SEMINAR, APC, PERHIMPUAN BULANAN DAN MAJLIS PERSARAAN PENGARAH DISAMBUT MERIAH

27 JULAI 2020 - Telah berlangsungnya empat majlis serentak di dalam dewan yang begitu indah dan dihadiri oleh semua staff Politeknik Melaka dan insan-insan istimewa yang pernah berbakti dan berkhidmat mencurahkan pengalaman dan ilmu di Politeknik Melaka iaitu mantan Pengarah Tn. Hj Abd Aziz bin Abu Bakar dan mantan Timbalan Pengarah En. Mohd Ariffin bin Aman. Sesi pertama berlangsung dengan majlis seminar yang bertajuk 'Cabarhan Pembelajaran Digital Era Normal Baharu' yang telah disampaikan oleh En Hishamuddin Shah bin Ibrahim selaku Ketua Jabatan, Jabatan Kejuruteraan Mekanikal.

Majlis diteruskan dengan penyampaian Anugerah Pekerja Contoh (APC) tri bulanan dan Anugerah Perkhidmatan Cemerlang 2019 kepada staff PMK. Antara Anugerah yang disampaikan ialah APC bagi program PMICC yang telah dijalankan pada 7 dan 8hb Mac 2020. Mereka terdiri dari kalangan Staf JKM sendiri iaitu En Mohd Falz bin Razali , En Amizan Yahaya bin Jamil dan Ts.Abd.Halim bin Mahat.

Majlis diteruskan bagi meraikan persaraan Pengarah Politeknik Melaka yang tersayang iaitu En. Charim bin Berahim . Sepanjang perkhidmatan selama 19 bulan En Charim sebagai Pengarah Politeknik Melaka telah meletak batu asas dalam menjalinkan kolaborasi samada pada peringkat tempatan dan antarabangsa.

Kami semua mendoakan kepada En. Charim bin Berahim yang akan bersara pada 30.7.2020 ini dan pegawai-pegawai yang bertukar ke Politeknik semoga sentiasa dirahmati oleh Allah Taala dan diberi kesehatan yang baik dan semoga berjaya dalam lapangan yang diceburi didalam fasa baru.





JALINAN KOMUNITI JKE BERSAMA MASJID AS-SALIHIN PAYA RUMPUT

6 Ogos 2020 - Program JALINAN KOMUNITI JKE BERSAMA MASJID AS-SALIHIN PAYA RUMPUT ini telah dilaksanakan menggunakan kemahiran membersih peralatan elektrik seperti kipas, lampu dan membersih serta mengelat persekitaran masjid. Semua tenaga kerja melibatkan pelajar Politeknik Melaka dengan beberapa kemahiran TVET yang asas sahaja memandangkan pelajar adalah dari semester 1. Oleh itu ianya dapat mengasah kemahiran sukarelawan

yang terlibat melalui semua skop kerja. Antara pengisian program yang telah dilaksanakan adalah membersihkan peralatan elektrik, membersihkan seluruh kawasan dalam dan luar masjid serta mengelat persekitaran masjid.

Antara impak daripada program ini adalah pelajar terdedah kepada aktiviti bersama masyarakat, pelajar dapat mengenali barisan kariah masjid dan terdedah kepada kerja-kerja fizikal yang jarang dilakukan sebelum ini.



PROGRAM SENTUHAN MAHASISWA SANTUNI ALAM

7 Ogos 2020 - Mechanical Engineering Student's Affairs Club (MESAC) telah menganjurkan "Program Pelajar Baru Sesi Jun 2020 JKMPMK 'Sentuhan Mahasiswa Santuni Alam' di Pantai Puteri, Melaka. Program ini bertujuan untuk memperkenalkan dan memberi pendedahan kepada para pelajar tentang pengurusan sampah di pengkalan-pengkalan jeti nelayan yang terdapat di Pantai Puteri.

Selain itu, program ini juga untuk untuk mengamalkan cara hidup yang sihat, mendisiplinkan pelajar, membentuk pelajar yang mempunyai akal yang cergas serta membentuk keterampilan diri yang lebih positif. Antara pengisian yang telah dilakukan program ini juga diselitkan dengan program mengutip sampah di pengkalan-pengkalan jeti nelayan yang terdapat di Pantai Puteri.

Program ini juga telah disertai oleh 60 orang pelajar Diploma Kejuruteraan Mekanikal dan 8 orang pelajar senior Politeknik Melaka yang terdiri daripada ahli kelab MESAC.

Tahniah dan syabas diucapkan kepada para peserta. Semoga aktiviti ini menjadi penggerak dalam menggalakkan warga PMK untuk lebih berjaya aktif dalam aktiviti kemasyarakatan pada masa akan datang.





**PROGRAM HARI BERTEMU PELANGGAN,
CAWANGAN SUMBER MANUSIA BAHAGIAN KHIDMAT PENGURUSAN,
POLITEKNIK MELAKA – SEMAKAN BUKU REKOD PERKHIDMATAN (BRP)**

22 SEPTEMBER 2020 – Cawangan Sumber Manusia, Bahagian Khidmat Pengurusan, Politeknik Melaka telah menganjurkan Program Hari Bertemu Pelanggan pada 22 September 2020 hingga 24 September 2020 di Makmal Geoteknik, Politeknik Melaka. Program ini telah di hadiri oleh staf Politeknik Melaka bermula jam 9.00 pagi hingga 4.30 petang.

Program Hari Bertemu Pelanggan ini diadakan adalah untuk memberi ruang kepada semua staf Politeknik Melaka dalam membuat semakan Buku Rekod Perkhidmatan (BRP), Fail Peribadi dan pengemaskinian Perisyiharan Harta. Turut hadir sama pada program tersebut adalah Pengarah Politeknik Melaka, Sr. Hj. Razali bin Johari dan Timbalan Pengarah Politeknik Melaka, Ts. Mohd Azamri bin Kandari.

Cawangan Sumber Manusia, Bahagian Khidmat Pengurusan mengucapkan setinggi-tinggi tahniah dan terima kasih kepada staf Politeknik Melaka yang telah berjaya menghadirkan diri dan memberikan kerjasama semasa membuat semakan Buku Rekod Perkhidmatan (BRP) dan sepanjang Hari Bertemu Pelanggan berlangsung.



POLYSEA

Politeknik Melaka, 22 Sept. 2020 - Telah berlangsung POLYSEA 2019 (Anugerah Kecemerlangan Sukan Politeknik) bertempat di The Everly Putrajaya pada 21 Sept. 2020 (Isnin). Program ini merupakan anugerah dari Jabatan Pendidikan Politeknik & Kolej Komuniti kepada atlet dan pegawai Politeknik sebagai penghargaan diatas sumbangan dan kecemerlangan mereka dalam pembangunan sukan di pentas kebangsaan dan antarabangsa selain menghargai jasa mereka untuk dijadikan dorongan dan motivasi kepada para athlete dan pegawai.

Tahniah diucapkan kepada Encik Mohamad Azwan Bin Ikhwati selaku penyelaras PKAT Hoki PMK yang telah tercalon dalam kategori Pengurus Terbaik POLYSEA 2019. Semoga dengan kejayaan beliau ini akan menjadikan dorongan dan motivasi kepada semua pengurus-pengurus sukan PMK untuk bergerak lebih cemerlang untuk kemajuan sukan PMK.





LAWATAN KERJA UTM KE PUSAT PUSAT DATA & PUSAT KAWALAN OPERASI CCTV, SPK HPTP, KPT.

PAGOH, 22 September 2020 – Satu sesi lawatan kerja ke Pusat Data & Pusat Kawalan Operasi CCTV, Seksyen Projek Khas Hab Pendidikan Tinggi Pagoh (SPK HPTP), Kementerian Pengajian Tinggi telah dianjurkan oleh Unit Teknologi Maklumat PMK. Lawatan tersebut telah diketuai oleh Pn. Halida Nur Rilhan binti Basir, Ketua Unit Teknologi Maklumat dan turut disertai oleh Tn. Hj. Salleh bin Mohamed, Penolong Keselamatan PMK, En. Emran bin Talib, Ketua Bahagian Khidmat Pengurusan serta 4 orang staf Unit Teknologi Maklumat dan wakil Ketua Unit Pembangunan Senggaraan. Kedatangan peserta lawatan telah dilakukan oleh Tn. Hj. Khairil Anuar bin Karim, Pengarah

SPK HPTP dan Dr. Siti Zubaidah binti Hj. Abu Bakar, Timbalan Pengarah SPK HPTP serta beberapa pegawai dan staf agensi tersebut.

Lawatan kerja ini bertujuan untuk melihat dengan lebih dekat pengurusan pusat data dan sistem kawalan keselamatan CCTV di Hab Pendidikan Tinggi Pagoh disamping menerima perkongsian berkaitan pengurusan keselamatan serta amalan baik yang dilaksanakan di agensi tersebut.

Para peserta lawatan juga telah dibawa untuk melihat pusat data SPK HPTP yang menyokong sistem rangkaian berpusat bagi 3 universiti

awam dan 1 politeknik yang terdapat di bawah Hab Pendidikan Tinggi Pagoh ini. Disamping itu, para peserta juga telah dapat melihat dengan lebih dekat Pusat Kawalan Operasi CCTV SPK HPTP dan mendapat penerangan ringkas pengoperasian bilik tersebut.

Perkongsian maklumat yang disampaikan oleh pihak SPK HPTP telah memberi banyak manfaat kepada peserta lawatan dalam menambah pengetahuan dan memberi gambaran bagi penambahbaikan yang boleh dirancang untuk dilaksanakan di Politeknik Melaka kelak. Terima kasih diucapkan kepada pihak SPK HPTP di atas kesudian menerima kunjungan PMK ini dan semoga jalinan kerjasama ini dapat diteruskan pada masa akan datang.



PROGRAM ZIARAH KASIH "KAMI PEDULI" DI KAMPUNG TEHEL DAN NYALAS, MELAKA

Oleh: Hishamuddin Shah bin Ibrahim

03 September 2020 - Mechanical Engineering Student's Affairs Club (MESAC) dengan kerjasama Persatuan ALUMNI Politeknik Melaka (PMK), YADIM Melaka dan MyFoundation Action telah menganjurkan Program Ziarah Kasih "Kami Peduli" di Kampung Tehel dan Nyalas, Melaka.

Program ini bertujuan adalah untuk merapatkan lagi hubungan dua hala di antara PMK bersama masyarakat Kampung Tehel & Nyalas, Melaka. Selain itu, disamping memperkuatkan jaringan hubungan diantara PMK dan masyarakat kampung, program ini juga mempromosikan Politeknik Melaka sebagai Institusi Pengajaran Awam (IPTA) yang mesra SOCIAL INNOVATION (SI).

Antara aktiviti yang dilaksanakan dalam program tersebut adalah program beramah mesra dengan penduduk setempat di samping memberi sedikit sumbangan kepada mereka.

Program ini juga telah memberi impak yang besar kepada pelajar PMK serta penduduk setempat di Kampung Tehel dan Nyalas dimana program ini berjaya memupuk serta menguatkan ikatan silaturahim sesama pelajar PMK dengan penduduk sekitar Kampung Tehel dan Nyalas, serta berjaya menerapkan nilai-nilai murni kepada pelajar PMK khasnya dan kepada masyarakat setempat.





PROGRAM BERBASIKAL

Oleh : Ts Abd Halim Bin Mahat

7 Disember 2020 - Watermelon Friendly Ride PMM - PMK sejauh 50km telah diadakan pada hari ini dengan penyertaan 12 pengayuh basikal yang terdiri daripada staf Politeknik Melaka, Politeknik Merlimau, Kolej Komuniti Ledang dan pelajar UTEM. Bermula di Bukit Piatu pengayuh bergerak ke Politeknik Melaka seterusnya ke Pantai Puteri. Setelah berehat beberapa ketika pengayuh menyambung kayuhan ke Banda Hilir Melaka. Di sini setiap pengayuh menikmati jus tembakai di kedai Cendol Jam Besar , uniknya jus tembakai tersebut berada di dalam buah tembakai tersebut.

la menambahkan lagi keasyikan setiap pengayuh menikmatinya. Selesai menikmatinya, kami meneruskan kayuhan ke Bukit Cina, ia laluan yang sangat mencabar bagi setiap pengayuh. Ia memerlukan ketahanan fizikal dan mental untuk sampai ke kemuncak Bukit Cina. Kesemua pengayuh berjaya hingga ke puncak. Tahniah!!! Selepas itu kesemua pengayuh bergerak pulang ke haluan masing-masing dengan satu kepuasan.

Aktiviti berbasikal adalah satu aktiviti sihat yang boleh diterapkan dikalangan kakitangan awam. Selain aktiviti sihat ia juga dapat memupuk semangat persaudaraan atau ukhwah di antara kakitangan kerajaan yang berlainan jabatan. Moga-moga program seperti ini menjadi pemangkin dalam penerapan hidup sihat di kalangan para pensyarah di jabatan-jabatan yang terlibat.



BADMINTON

Oleh : Mohd Jazwin Bin Abd Rahman



9 Disember 2020- Perlawanan Badminton Persahabatan Antara Politeknik Melaka (PMK) & Unit Tentera JKR Negeri Melaka telah berlangsung di Kompleks Sukan Batu Berendam, Melaka. Perlawanan persahabatan ini dapat merapatkan ukhwah dan persahabatan di antara kedua-dua jabatan. Ia juga dapat memupuk minat hidup sihat dan sama-sama menyokong agenda kerajaan Komuniti Sihat Penjana Negara (KOSPEN) yang diterajui Kementerian Kesihatan Malaysia (KKM).

Majlis diserikan lagi dengan kehadiran pengurusan tertinggi kedua-dua jabatan dan pertukaran cenderamata antara En Mohd Haffizan b. Abdul Ghafar (Jurutera Awam Kanan UTJKRM) & Ts. Mohd Azamri b. Kandari (Timbalan Pengarah PMK). Moga program seperti ini akan berlanjut di masa-masa akan datang.

#JSKKPMK
#SukanUntukSemua
#PembudayaanSukanPMK
#FitForLife



PMK LANCAR LAMAN PORTAL RASMI BAHARU & APLIKASI e-CLOCK PMK

Oleh : Haidar Nur Riffah Binti Basir

POLITEKNIK MELAKA, 15 Disember 2020 - Selaras dengan hasrat pelaksanaan rasionalisasi laman web di peringkat Kementerian Pengajian Tinggi(KPT) dan Jabatan Pengajian Politeknik & Kolej Komuniti(JPPKK), Politeknik Melaka (PMK) komited dalam memastikan PMK mempunyai sistem penyampaian maklumat yang sentiasa dikemaskini, tepat dan mesra pengguna. Bertepatan dengan objektif tersebut, PMK telah berjaya melancarkan wajah baru laman portal rasmi PMK pada 15 Disember 2020 yang lalu.

Pelancaran tersebut telah dirasmikan oleh Tn. Sr. Hj. Razali Bin Johari, Pengarah PMK di Majlis Perhimpunan Bulanan Staf PMK November & Disember 2020 anjuran Jabatan Hal Ehwal & Pembangunan Pelajar (JHEPP), Unit Pembangunan & Senggaraan (UPS), Unit Keusahawanan (UKs), Unit Peperiksaan (UPep), Unit Latihan & Pendidikan Lanjutan (ULPL) dan Unit Teknologi Maklumat (UTM) bertempat di Dewan Serbaguna PMK.

Pelaksanaan rasionalisasi laman portal semua agensi di bawah JPPKK ini merupakan usaha yang telah dilaksanakan diperingkat JPPKK dalam memastikan semua agensi di bawahnya mempunyai sistem penyampaian maklumat rasmi yang selaras, efektif dan selamat.

Turut dilancarkan pada majlis tersebut adalah Aplikasi Semakan Kehadiran Harian Staf PMK @ e-CLOCK yang telah dibangunkan untuk kemudahan staf PMK menyenak masa kehadiran setiap hari.

Setinggi-tinggi syabas dan tahniah diucapkan kepada semua warga PMK khususnya kepada semua Jawatankuasa Kerja Pengurusan dan Pasukan Pengurusan Kandungan Laman Web PMK serta UTM selaku urusetia dan peneraju yang telah menggagasi usaha memperbaharui representasi laman web PMK ke arah keselerasan dan rasionalisasi laman web agensi di bawah JPPKK dan KPT. Semoga dengan kedatangan tahun baru 2021 akan datang, maka laman portal ini diharapkan akan dapat mempermudahkan pelbagai hebahan dan muat turun untuk keselesaan semua warga PMK keseluruhannya.

Syabas dan terima kasih juga diucapkan kepada pembangun aplikasi semakan kehadiran, En Abd Razak Bin Md Nor serta Bahagian Khidmat Pengurusan (BKP) dan UTM di atas kerjasama yang telah diberikan bagi memastikan usaha tersebut tercapai. Semoga dengan adanya medium e-CLOCK tersebut dapat memberi manfaat kepada semua staf PMK khususnya.



ZIARAH KASIH KELUARGA ANGKAT BERSEMPENA HARI MALAYSIA 2020 BERSAMA PERSATUAN PENDUDUK KAMPUNG SOLOK BIAK (PPKSB)

Oleh : Puan Norzainariah Binti Abu Hassan

Tarikh : 16 September 2020
Lokasi : Kampung Solok Biak, Tanjung Kling Melaka.

Objektif : Menjaya aktiviti Perasmian Kabin Persatuan Penduduk Kampung Solok Biak (PPKSB) dan Ziarah Kasih Keluarga Angkat bersemesta Hari Malaysia 2020.

Impak : Memupuk sikap kerjasama dan perpaduan antara para mahasiswa dan mahasiswa Politeknik Melaka dengan masyarakat Kampung Solok Biak.



RKM SIMPANG 4



MAJLIS MENANDATANGANI KOLABERASI STRATEGIK ANTARA POLITEKNIK MELAKA DAN PIHAK INDUSTRI

Oleh : Zariyah binti Abdullah

Majlis Menandatangani Sijil Kolaborasi Strategik antara Politeknik Melaka dan Pihak Industri telah diadakan pada 15 Julai 2020 bertempat di Bilik Persidangan Politeknik Melaka. Majlis bermula jam 9 pagi untuk sesi pertama yang dihadiri oleh Pengarah Institut Pendidikan Guru Kampus Perempuan Melayu Melaka dan Pengarah Jabatan Penerangan Malaysia, Negeri Melaka beserta Penolong Pengarah dan staf dari agensi masing-masing. Pada sesi kedua jam 2.30 petang, majlis telah dihadiri oleh Pengarah dan Penolong Pengarah dari 4 agensi iaitu Institut Latihan Peindustrian Pedas, Institut Kemahiran Tinggi Belia Negara, Institut Latihan Perindustrian Bukit Katil, dan RESQ Devices Enterprise. Majlis untuk sesi pagi dan petang berjalan dengan lancar dan diharapkan jalinan kolaborasi yang terjalin ini akan dapat memberi manfaat kepada semua pihak.



17 OKTOBER 2020, POLITEKNIK MELAKA – Satu Bengkel Pengurusan Kewangan Masjid telah diadakan di Balai Raya Kampung Sempang, Merlimau. Jabatan Perdagangan (JP) telah menerima jemputan daripada Pengurus Masjid As-Syakirin untuk menyampaikan ceramah berkaitan Pengurusan Kewangan Masjid. Pn. Noor Azira binti Sawal, Encik Mohd Fauzi bin Abu Bakar, Pn. Normala Binti Salimin, Pn. Nurul Safwanah Binti Muhammad Saleh dan Puan Rosmaria merupakan pensyarah yang terlibat dalam melaksanakan bengkel ini. Peserta bengkel ini terdiri daripada 13 orang peserta yang merupakan bendahari bagi Masjid dan juga surau sekitar Kampung Sepang. Bengkel telah dimulakan dengan bacaan surah Al-fatihah dan diikuti dengan ucapan aluan oleh Pengurus Masjid As Syakirin iaitu Haji Mohd Nasiruddin Bin Ibrahim dan kemudiannya diteruskan lagi dengan taklimat berkaitan prosedur dan peraturan kewangan masjid yang disampaikan oleh Pn. Noor Azira. Sesi berikutnya diteruskan lagi dengan taklimat berkaitan tatacara rekod kewangan masjid yang disampaikan oleh En. Fauzi.

Tujuan Program ini dilaksanakan adalah untuk memberi pendedahan berkaitan kaedah dan tatacara pengurusan kewangan masjid yang lebih sistematis mengikut Garis Panduan Jawatankuasa Kariah bagi Masjid dan Surau Negeri Melaka kepada bendahari Masjid As Syakirin dan surau-surau berdekatan Kg Simpang. Selain daripada itu melalui bengkel ini juga para peserta diberi pendedahan secara praktikal berkaitan pengurusan rekod penerimaan dan pembayaran melalui Buku Tunai Masjid dengan bantuan facilitator Pn. Normala, Pn. Safwanah dan Pn. Rosmaria. Buku Tunai Masjid adalah merupakan produk inovasi yang dihasilkan oleh sekumpulan Pensyarah Jabatan Perdagangan. Melalui bengkel ini juga diharap dapat menyelaras peraturan, menambah baik prosedur, borang-borang dan amalan-amalan baik dalam pengurusan kewangan masjid agar iaanya lebih effisen dan teratur khususnya kepada para peserta. Bengkel ini juga bertujuan meningkatkan kepentingan dan kesedaran didalam penyediaan laporan penyata kewangan masjid agar iaanya lebih teratur dan selaras dengan peraturan.

Semua peserta yang terlibat dalam program ini memberikan maklumbalas yang positif terhadap perkongsian ilmu yang diberikan. Ia merupakan satu platform yang tepat dalam usaha melahirkan bendahari masjid yang bukan sahaja menjalankan amanah yang dipertanggungjawabkan dengan sempurna, teratur dan telus malah dapat menjaga harta bagi kepentingan sebuah masjid melalui rekod-rekod yang berkaitan dengan kewangan masjid. Semoga dengan dengan adanya bengkel seumpama ini diharap akan dapat membantu para peserta dalam menyelesaikan mana-mana kekeliruan prosedur dan juga memberi ruang kepada pensyarah dan bendahari masjid serta surau untuk berkerjasama dengan lebih dekat lagi semasa menghadiri bengkel ini.



SEMAKAN SEMULA PEMBANGUNAN MODUL STEAM ALGEBRA (FASA 2) DAN PENGKOMERSIALAN PRODUK DI FKAB, UKM

Oleh: Zariyah binti Abdullah

Program Semakan Semula Pembangunan Modul STEAM (Science, Technology, Engineering, Arts and Mathematics) Algebra (Fasa 2) dan Pengkomersialan Produk telah diadakan pada 19 Ogos 2020 di Fakulti Kejuruteraan dan Alam Bina (FKAB), Universiti Kebangsaan Malaysia (UKM). Ini merupakan program ke empat yang dianjurkan oleh Jabatan Matematik, Sains dan Komputer (JMSK) bersama FKAB, UKM.

Program ini dijalankan bertujuan untuk berbincang berkaitan jadual kerja dan pemberatan kedua-dua institusi, pembahagian tugas antara institusi dari segi material, pembangunan produk, strategi permasaran dan jualan, pengkomersialan dari segi harta intelek (IP), untung rugi, dan kos pembangunan dan penyelidikan (R&D). Program ini juga melibatkan semakan akhir modul STEAM Algebra antara penulis dan pihak UKM. Dua belas orang pensyarah di JMSK

terlibat dalam membangunkan tiga modul 'Junior Algebra' ini. Modul-modul ini boleh menarik minat pembaca untuk mempelajari matematik kerana selain dapat mempelajari matematik dengan bahasa yang mudah, pembaca juga boleh mengetahui keunikan makanan, tempat menarik dan permainan tradisional di Negeri Melaka.

Penganjuran program kali ini diharap dapat melancarkan proses penerbitan modul dengan usahasama kedua-dua pihak seterusnya dapat memberi manfaat kepada pensyarah dalam menerbitkan penulisan modul atau buku yang berkualiti supaya dapat diaplakisir kepada pelajar dan masyarakat. Diharapkan kolaborasi yang baik antara FKAB, UKM dan Politeknik Melaka ini dapat diteruskan lagi dalam bidang pembangunan dan penyelidikan pada masa-masa akan datang.



PROGRAM PENJANA: 'FAILURE MODE AND EFFECT ANALYSIS'

Oleh: Reni Suriani binti Hashim

Politeknik Melaka telah dipilih untuk mengendalikan program Program PENJANA (Pelan Jana Semula Ekonomi Negara), Career Advancement Programme (CAP) di bawah Kementerian Pengajian Tinggi yang bertajuk Failure Mode and Effect Analysis (FMEA). Program ini berlangsung pada 2 hingga 6 November 2020 di MITC Hotel Melaka. Program PENJANA ini merupakan program upskilling, reskilling untuk membantu graduan meningkatkan kemahiran seterusnya mendapatkan pekerjaan untuk mereka. Ini adalah usaha pihak KPT, JPPKK dan Politeknik Melaka dalam membantu kebolehdapatan kerja kepada graduan. CISEC telah dipertanggungjawabkan dalam menjayakan program FMEA ini.

Auto Prima College telah dilantik sebagai konsultan yang telah menjayakan Program FMEA ini. En Shahidan bin Che Azmi merupakan Manager Auto Prima dan En Mohd Nizam bin Mohd Amin merupakan tenaga pengajar untuk FMEA ini.

Seramai 27 orang peserta telah hadir.



KEMPEN DERMA DARAH

Oleh : Mohd Khairuddin bin Ahmad Khair

Jabatan Hal Ehwal dan Pembangunan Pelajar Politeknik Melaka telah menganjurkan Program Derma Darah Perdana Politeknik Melaka pada 24 September 2020. Program telah berlangsung dengan jayanya dengan kerjasama Tabung Darah Hospital Melaka. Program ini bertujuan untuk mengumpulkan tabung darah agar stok keperluan darah sentiasa mencukupi di Tabung Darah Hospital Melaka. Seramai 112 orang penderma telah hadir untuk menderma pada program kali ini. Pengarah Politeknik Melaka, Sr Haji Razali Bin Johari juga hadir memberikan sokongan program derma darah ini.

Program yang berlangsung ini sentiasa mengikuti langkah-langkah keselamatan mengikut Operasi Standard (Standard of Procedure) yang telah ditetapkan oleh Majlis Keselamatan Negara dan Kementerian Kesihatan Malaysia. Kami berbangga dapat berbakti kepada nusa dan negara tercinta.



PENDAFTARAN PELAJAR BAHARU DAN MSK SESI JUN 2020 POLITEKNIK MELAKA

Oleh: Mohd Khairuddin bin Ahmad Khair

Minggu Pendaftaran pelajar baharu berlangsung selama empat (4) hari bermula 3 hingga 6 Ogos 2020. Pendekatan norma baharu hari pendaftaran, kumpulan pendaftaran telah dibahagikan kepada empat hari bermula dengan Jabatan Kejuruteraan Awam (JKA) seterusnya Jabatan Kejuruteraan Elektrik (JKE), Jabatan Kejuruteraan Mekanikal (JKM) dan Jabatan Perdagangan (JP). Semua prosedur pendaftaran pelajar baharu ini telah dilaksanakan dengan jayanya mengikut Operasi standard (Standard of Procedure) yang telah ditetapkan oleh Kementerian Pengajian Tinggi dan Majlis Keselamatan Negara.

Minggu Suai Kenal (MSK) pelajar baharu Sesi JUN 2020 Politeknik Melaka (PMK) dilaksanakan untuk mewujudkan interaksi dua hala dan kemahiran komunikasi dikalangan siswa yang bertujuan untuk memastikan mereka mengenali dan menjalinkan silaturahim dengan lebih erat dengan pengurusan PMK. Program ini juga bertujuan untuk memberi pendedahan kepada pelajar baharu Politeknik Melaka berkaitan dengan sistem yang digunakan di Politeknik Melaka. MSK telah dijalankan bermula 4 hingga 7 Ogos 2020 bertempat di Dewan Serbaguna. Diharapkan melalui MSK juga politeknik bukan sahaja

menjadi tempat untuk menuntut ilmu tetapi disini lah para pelajar perlu membangunkan ketrampilan dan personaliti diri yang akhirnya dapat melahirkan modal insan yang mempunyai Towering Personality dan mantap dalam kemahiran insaniah(softskill). Ciri-ciri ini penting dalam melahirkan generasi baru yang cemerlang dalam pembinaan personaliti yang positif, penghuraian idea secara efektif, bijak menyelesaikan masalah dan dapat melaksanakan orientasi secara berkumpulan.



BENGKEL PENILAIAN DAN PEMURNIAN ITEM PEPERIKSAAN AKHIR SESI JUN 2020

Oleh : Dewi Binti Abu

POLITEKNIK MELAKA, 22 Oktober 2020. – Unit Peperiksaan (UPep) Politeknik Melaka (PMK) telah berjaya menganjurkan Bengkel Penilaian dan Pemurnian Item Peperiksaan Akhir Sesi Jun 2020 bagi Program Diploma Pengajian Antarabangsa (DPI) pada 20 hingga 22 Oktober 2020 bertempat di IBIS Hotel, Melaka.

Bengkel ini bertujuan untuk mengumpulkan draf item peperiksaan akhir yang akan melalui proses penilaian dan pemurnian dari seluruh Politeknik Malaysia melibatkan pegawai peperiksaan, panel penilai, ketua panel penilai dan panel luar yang dilantik. Proses ini

memerlukan penyelarasan dan permurnian terperinci bagi mengelakkannya sebarang masalah berkaitan set item. Bengkel ini melibatkan sebanyak 20 set item peperiksaan dan merangkumi semakan ke atas format penulisan kertas item, peraturan permarkahan dan ketepatan soalan peperiksaan (FEIST).

Menerusi bengkel ini, 20 set lengkap item peperiksaan akhir yang berkualiti telah dihasilkan sebagai persediaan menghadapi peperiksaan akhir Sesi Jun 2020 dan Disember 2020. Selain itu, ia bertujuan untuk memberi peluang kepada panel pemasang soalan mendapatkan komen secara terus daripada panel luar yang dijemput bagi menyemak kandungan soalan yang dihasilkan.

Pelaksanaan bengkel ini telah memberi impak dimana semua set item peperiksaan akhir dan peraturan permarkahan telah dimurnikan mengikut FEIST dan arahan yang telah diberikan oleh pihak BPN. Selain itu, semua set item peperiksaan akhir dan peraturan permarkahan yang dimurnikan telah disahkan oleh pihak ketua panel penilai dan juga panel penilai luar serta semua set item peperiksaan akhir yang dihasilkan adalah berkualiti memenuhi tahap diploma dan juga mengandungi ciri-ciri seperti kesahan, kebolehpercayaan dan keadilan.

Ucapan tahniah dan terima kasih diucapkan kepada para peserta yang terlibat kerana telah berjaya melaksanakan bengkel tersebut dengan jayanya.

INKUBATOR A&E BANTU PROGRAM DI MASJID TANJUNG DAHAN

Oleh: Ameelia binti Ibrahim

Melaka, 20 September 2020 - Inkubator A&E Bantu Program Di Masjid Tanjung Dahan telah dilaksanakan bersama-sama komuniti kariah masjid Kampung Linggi, Melaka. Sebanyak 7 buah penyaman udara telah diselenggarakan oleh para pelajar Jabatan Kejuruteraan Elektrik, Politeknik Melaka (PMK).

Program ini juga dijalankan bersama-sama Jabatan Kejuruteraan Mekanikal PMK, MyFundAction, Yadim dan Jawatan Kuasa Penduduk Kampung Tanjung Dahan, Melaka yang telah disempurnakan oleh YB Datuk Wira AR Hj. Ismail Bin Othman, Exco Perpaduan, Hubungan Masyarakat, Tenaga Kerja dan Hal Ehwal Pengguna Melaka. Para pelajar Inkubator A&E (Aircond & Electrical Wiring) yang diketuai oleh Ketua Jabatan Kejuruteraan Elektrik, Ts. Hj. Zahidi bin Zamzuri begitu teruja dapat bersama-sama menyumbang bakti teknikal selain dapat berjumpa masyarakat iaitu penduduk kampung.

Program ini merupakan aktiviti kesukarelawanan yang membantu penduduk setempat menyelenggarakan penyaman udara di masjid, surau dan sekolah.





LAWATAN KUNJUNG HORMAT PENGARAH PMK KE PEJABAT MUFTI NEGERI MELAKA

Lawatan kunjung hormat pengarah PMK yang baharu Sr.Hj.Razali bin Johari ke pejabat Sahibus Samahah Datuk Wira Hj Abdul Halim bin Tawil,mufti Kerajaan Negeri Melaka telah diadakan pada hari ini.Turut hadir sama Timbalan Pengarah PMK Ts Mohd Azamri bin Kandari serta KJ Pengajian Am Pn.Fariza Haidayu serta Ustaz Norkhairan.Hasil lawatan ini,kerjasama antara PMK dan MAJIM berjaya dimeterai.Terima kasih pihak Jabatan Mufti Melaka kerana sudi menerima kedatangan kami.



BENGKEL FOLIO KECEMERLANGAN BAGI STAF PPPT SKIM GRED DH

Oleh : Siti Noorhaida Binti Nordin

Melaka, 10 Disember 2020- Unit Latihan dan Pendidikan Lanjutan (ULPL) telah menganjurkan Bengkel Folio Kecemerlangan Bagi Staf PPPT Skim Gred DH dengan kerjasama Puan Hilmun binti Mohamed dari Politeknik Mersing, Johor sebagai penceramah bagi program ini. Bengkel ini diadakan di Dewan Serbaguna, PMK yang dihadiri oleh 40 orang staff PMK di kalangan pensyarah PMK.

Objektif bengkel ini untuk memberi pendedahan berkenaan persediaan dan dokumentasi kecemerlangan kenaikan pangkat terutama kini dilaksanakan validasi secara online disebabkan pandemik Covid-19. Bengkel ini berjalan dengan lancar dan objektif tercapai. Peserta berpuas hati segala persoalan dapat dijawab dan penceramah juga berpengalaman luas dalam pelaksanaan validasi.





PROGRAM VIRTUAL AEROBIC

POLITEKNIK MELAKA, 23 Oktober 2020, — Politeknik Melaka telah menganjurkan Program Virtual Aerobic ini untuk julung kali secara virtual. Idea ini tercetus akibat Pandemik Covid-19 yang telah menghadkan sebarang aktiviti pengantarabangsaan merentasi sempadan. Program ini merupakan program anjuran Unit Pengantarabangsaan dan Jabatan Sukan, Kokurikulum dan Kebudayaan, dengan kerjasama Unit Pembangunan Instruksional dan multimedia serta Unit Teknologi Maklumat. PMK telah berjaya mendapatkan penglibatan seramai 175 orang daripada rakan kolaborasi rapat daripada 6 Politeknik di Indonesia iaitu Sriwijaya, Bengkalis, Medan, Bandung, Bali dan Jakarta. Meskipun kesan daripada Pandemik Covid-19 ini menghadkan aktiviti pengantarabangsaan dilaksanakan di negara luar, namun ia tidak mematahkan kita untuk berfikir di luar kotak. Tujuan utama penganjuran Program Virtual Aerobics ini adalah untuk memupuk dan menanamkan semangat untuk mengutamakan kesihatan walaupun ketika dunia dilanda pandemic Covid-19. Pelaksanaan program ini juga sekaligus dapat mengekalkan hubungan kolaborasi yang sememangnya telah terjalin seperti sebelum ini.



